





第一〇八七册

四庫全書

●上海古籍出版社

本冊目次

元	東	附	春	文	元	附	穆
憲	觀		卿	莊	獻	錄	參
			遺		遺	遺	軍
集	集	傳	稿	集	文	事	集

宋	宋	明	宋	清	宋	宋
宋	魏	蔣	夏	胡	晏	穆
庠	野	鑛	竦	亦	殊	修
撰	撰	輯	撰	堂	撰	撰
……	……	……	……	……	……	……
四〇一	三四九	三三九	四五	三一	一	一

欽定四庫全書

集部

穆參軍集卷上至下

詳校官監察御史臣李陽樞

檢討臣何思鈞覆勘

總校官編修臣王燕緒

校對官編修臣沈清藻

謄錄監生臣丁成鍾

欽定四庫全書

集部三

穆參軍集

別集類二 宋

提要

臣等謹案穆參軍集三卷附錄遺事一卷宋

穆修撰修字伯長汝陽人事蹟具宋史文苑

傳蘇舜欽集有修哀文稱其咸平中舉進士

得出身而集中上潁州劉侍郎書稱其以大

中祥符中竊進士第即伯溫易學辨惑亦稱

欽定四庫全書

穆參軍集

修為祥符二年舉國榜進士則舜欽蓋偶誤

矣解褐授泰州司理參軍以抗直為通判秦

應所誣構貶池州再逢恩徙願蔡二州文學

掾明道元年病卒宋人皆謂之穆參軍從其

初官也修受數學於陳搏先天圖之竄入儒

家自修始其文章則莫考所師承而歐陽修

論尹洙墓誌書謂其學古文在洙前朱子名

臣言行錄亦稱洙學古文於修而邵伯溫辨

感稱修家有唐本韓柳集募工鏤板今本柳宗元集尚有修後序蓋天姿高邁沿溯於韓柳而自得之宋之古文實柳開與修為倡然開之學及身而止修則一傳為尹洙再傳為歐陽修而宋之文章於斯極盛則其功亦不鮮矣據蘇舜欽哀文稱詒其遺文惟得任中正尚書家廟碑靜勝亭記徐生墓誌蔡州塔記四篇不能成卷祖無擇集有修集序稱其遺文於嗣子照得詩五十六書序記誌祭文總二十次為三卷其序作於慶歷三年所列詩文之數與今本合蓋此集猶無擇所編之舊王得臣塵史述史驥之言譏其作巨盜詩以刺丁謂為有累於道考邵伯溫辨惑載修於丁謂為貧賤交謂後貴修乃不與之揖謂衡之頗為所軋修集中聞報自崖徙雷一章即為謂作則驥所謂累於道者病其挾私怨

耳然其詩排斥姦邪尚不至垂於公義未可深非又葉適水心集譏呂祖謙宋文鑑所收修法相院鐘記靜勝亭記二篇為腐敗羸濕亦言之已甚惟第三卷之首載亳州魏武帝帳廟記一篇稱曹操建休功定中土垂光顯甚大之業於來世久稱為帝之雄使天濟其勇尚延數年之位豈強吳庸蜀之不平又稱至今千年下觀其書猶震惕耳目悚動毛髮使人凜其遺風餘烈又稱高祖於豐沛光武於南陽廟像咸存威德弗泯其次則譙廟也云云其弊蔑助逆可謂大乖于名教至于述守臣之言有吾臨此州不能導爾小民心知所奉是亦吾過云云顯然以亂賊導天下尤為悖理尹洙春秋之學稱受于修是于春秋為何義乎自南宋以來無一人能摘其謬殊不可解今承

審鑒指示使綱常大義順逆昭然允足立天經而

定人紀豈可使之仍廁簡牘貽玷汗青謹刊

除此文以章家範其他作則仍錄之用不沒

其古文一脈筆路藍縷之功云乾隆四十六

年十二月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

穆參軍集

四

欽定四庫全書

穆參軍集卷上

詩

江南寒食

江南水國春光鏡清明上巳多招邀花陰連絡青草岬

柳色掩映紅闌橋歌調雜吳俗髻髮疎削傳南朝

誰儻北客歸未去楚魄湘魂惟暗消

欽定四庫全書

穆參軍集

送毛得一秀才歸淮上

江天梅雨畫蕭蕭送別愁吟白紵謠處士才高融未薦

騷人魄斷玉方招自傷樵驥心千里空羨冥鵬志九霄

酒罷征鞍迢遞去不堪迴首木蘭桡

君歸迢遞淮西路我客蕭條秋浦城惻惻相看復惻惻

行行送別重行行途中猿鳥哀聲斷馬上雲山遠碧橫

富貴窮通俱未決直傾尊酒沃離情

含魚

南有嘉魚異常超四月期江天專伺至烟網密罟垂乍
戲汀蘋末初循水荇酒競挂輕舠寬罩碧連漪占浦
搜深藻空波出素鬚數頭餘赤質二色類銀姿貨驚斯
為切鮮腴敢暇知青錢邀價值華屋市新奇珠沫綠條
煦霜鱗逐刃鹽扣顛瓊聚骨剖腴錦分肌味佐芳菰恆
香參苦筍宜羹融膩玉膾筋胃一作樓寒絲湘繡非吾
偶河魴孰與夷薦新奚尚鮪綸毒即珠鱗鱸訝休官易
鯖嫌醒酒逐自當頻佐膳所惜易過時

欽定四庫全書

楊東萊集

魯從事清暉閣

庾郎真好事溪閣新新開水石精神出江山氣色來疎
烟分鷺立遠靄見帆迴公退資清興閒吟倚檻裁
送葛源之太和主簿

勿嘆從卑位聊忻適去情秋風九月急飛鳥一帆輕繪
斫江鱗活杯嘗楚釀清歡一作推華莫迴首龍尊正堪驚

送靈師歸吳

靈師殊可尚頗不類浮屠託迹雖依佛留心獨喜儒風

塵倦京洛水石隱句吳破寺杉松老南歸舊隱孤

江南春

杜若溪邊待釣船怨紅傷翠助鸕鶿戰迴春事青蒲
買破韶光綠荇葑千嶂遠圍芳草國一江晴浸斷霞天
未知多感多愁客何處偷尋覓底眠

寒食

江邊又寒食僉客奈離襟恨滿王孫草愁多望帝禽鷄
毳輕薄事歌酒宴遊心盡付吳兒輩惟知屏跡深

欽定四庫全書

楊東萊集

江上送陳翹還無為

江上寂寥春雨晴江邊冉冉春潮平相逢未盡斗酒醉
相送又連孤舟行篁竹窮鎖秋浦郡烟波渺隔無為城
音塵兩地不千里勿負使君金玉聲

殘春病醒

風簷窸窣燕啼啼卧對殘芳起鬱陶乍困遊車一作鞋春
尚在未扶醒枕日和高煩腸屢沃痛難解病髮慵簪
更接欲為風光輕賦別正無慘賴染江毫

書事覺卷

惠澤涵濡四海同，微生曾莫預昆蟲。不參品物陶鎔外，獨作窮人蓋載中。深窞已顛猶礪石，危荇將擇更推風。一家寄命嗟無地，何負神明與上穹。

和毛秀才江墅幽居好十首

榮陽毛生有墅在宣城之南陵，嘗作村居詩十首，其詩用律格，五言四韻，每篇皆同上之一句。元和長慶來，詩人多是體生之往還，躡而和者，數人暨攜北來。出以相示，予諷其篇而悅其事，既恨未得往從之遊，喜用其韻而繼之，得以盛言生所居之樂宣城實江外之郡，而墅且在焉，因首用是句。

欽定四庫全書

楊集卷

四

江墅幽居好，當門看水田。晁鷗閒夕照，稅稻秀原烟。野屐無完齒，山衣有敗肩。遙聞雙闕下，蕭鼓樂豐年。

江墅幽居好，南塘枕野亭。蒹蒲顛風綠，菱荇蓋波青。繁華一漁艇，起烟雙雪翎。相攜二三叟，扶醉不曾醒。

江墅幽居好，谿山數里長。徑通茶塢綠，門枕橘園香。藉

石還勝榻，聽松不讓簧。閒遊鷺里巷，自作隱淪裝。

江墅幽居好，老農時欵扉。濁醪時共醉，野話坦無機。山

雨欲到檻，竹風先滿衣。谿南秋更樂，稻熟又魚肥。

江墅幽居好，賓來定不愁。酒釀新出壓，魚活旋離鉤。移

席追松影，調琴和澗流。陶然方外樂，名教繫何由。

江墅幽居好，柴開帶竹籬。田頭餉耕後，樹裏灌園時。鄰

靜鳴秋織，樵閒對野棋。棋抵噉非我事，大笑引蘇錐。

江墅幽居好，名山對九華。疎簷十餘畝，古屋兩三家。確

欽定四庫全書

楊集卷

五

下雞爭黍，蘿根虺逐蛙。水邊閒送目，獨鳥在秋槎。

江墅幽居好，何妨鄙事添。神隨山父賽，策學野人占。露

草牛羊喜，秋霖黍豆嫌。短牆衰柳下，寒水半渠淹。

江墅幽居好，身如醉伯倫。浮名拋可得，荒宴罷何因。醅

可乘，籃輿逍遙岸角巾。人間莫迴首，容儗不容真。

江墅幽居好，人間晚最孤。魚臨谿樹釣，鳥隔水烟呼。野

竹掛薜荔，山花眠鷓鴣。畫工能狀出，羞殺輞川圖。

燭

一箔珠簾掩映垂房櫳清染麝烟煤佳人盼影橫
狎桂狎客分光綴艷詩禁鎖翠明初唱漏宮牕紅短尚圍棋
長宵且乘歡遊去無限風情見古辭

過西京

西京千古帝王宮無限名園水竹中來恨不逢桃李日
滿城紅樹正秋風

賦催粧

嚴粧應在繡閣中似闌春芳折曉風試問天桃臨碧沼

欽定四庫全書

楊芳華集
卷上

何如艷質對青銅

送孫立東遊

詩筆知名曾刻苦文章多難久飄流昨陽縱酒黃金盡
提劍東方暫一遊

村郭寒食雨中

寂寥村郭見寒食風光更著微雨遞秋還閒垂愁稚子
楊柳半濕眠春鴉白社皆驚放狂客青錢盡送沽酒家
眼前不得醉消遣爭奈惱人紅杏花

清明連上已

改火清明度滿衫上已連芳辰來屬續遊士困聯翩酒
帳經旬直花司餅日權俠兔狂不足猶恨促春妍

合歡芍藥

薰風對折芳心破浩露雙滋粉面新油碧車中同戴女
菱花鑑裏並粧人皇英帝子鍾遺艷琬琰宮姬託後身
誰道獨呈芳瑞晚也勝常調壯丹春

故侯園

欽定四庫全書

楊芳華集
卷上

池館年來瓦礫存路旁看取故侯園身前便作荒涼計
祇樹芳菲不樹恩

送定師南遊

營營學佛徒皆喜譬吾道憐師獨異羣儒藝知探討誦
詩三四章往往見詞藻玉璞在琢磨不難成至寶知余
本好古心服仁義老勤請送行詩安足慰枯槁別時汝
穎路涼葉經秋早南遊何當還江潭無限好

心作身
經作驚

送入主邊塞

豈憚河遼遠男兒效主恩窮邊人不到孤戍自分屯馬
放胡沙暖烽傳塞日昏軍前初謁帥戎服走棘門

巨盜

嗣皇登位始凝旒巨盜尋并相印收漢室有靈誅賊莫
虞廷無患放凶兇狡粗豈稱周公任豺虎猶寬巷伯投
願斬都衡謝天下不然何用正王猷

汝陰偶書呈一二知己

汝陰窮捃計何疎四十無成坐諷書不務功名師押闔
欽定四庫全書

楊象昇集
卷上

獨將仁義守蘧廬敢同賈傳希前席況異鄒生託後車
除泥諸公時一醉等閒猶且忘歸歟

除夜

燈前清淚落衣間守歲分爲客是閒老母今春年七十
壽觴爭忍對慈顏

城南五題

野水岸邊逢草歇平林烟畔逐花行雨晴南陌塵埃死
倍覺風光奪眼明

邵步

水曲臨幽獨杖藜那箇香入亂花攜輕肥不得尋春意
動要笙歌入馬蹄

獨遊

名園雖自屬侯家任客閒遊到日斜富貴位高無暇出
主人空看折來花

貴侯園

閒登朱亥遊俠墓却望梁王歌吹臺臺上墓邊芳草綠
遊人心事立徘徊

朱亥墓

君王未到玉津遊萬樹紅芳相倚愁金鑲不開春寂寂
落花飛出粉牆頭

玉津園

欽定四庫全書

楊象昇集
卷上

燈

杳杳有時當永恨依依何處照閒眠靜臨客枕愁寒雨
遠逐漁蓬耿喫烟纖影乍歇還復立冷花時結不成圓
銷魂猶憶江樓夜曾對離觴賦短篇

登莒子臺

莒國丘壘在莒臺荆棘深憑高一極目懷古重傷心平
楚蒼烟暝邊風白日沈誰論客懷抱灌木自悲吟

希言官舍種花

纔初看君裁小園已報新花著桃李感時眩物情何多

發咏長篇託興此為言桃李富花實君子盛德尤所似

舊舊相倚臨芳辰輔導春功如宰揆旁有百卉爭妍舒

特煩花匠施剗劑

剗錄也

誇紅鬪紫亦可憐各事繁華一時爾繁盛寧將此花同

令人慕哉狂不已義和奔御催春歸祇得銜盃且歡喜

君看灼灼枝上英半雜泥塵成落蕊盛衰不獨草木然

人事悠悠盡如此

欽定四庫全書

欽定四庫全書

十

登女郎臺

臺前流水眼波明臺上閒雲鬢葉輕莫把姑蘇遠相比

不曾亡國只傾城

女郎名字本風流好與州人作勝遊倘使此臺呼醜女

汝陰城裏一荒丘

友人燒筍之約未赴

久約燒林筍何時會勝園未嘗清氣味且厭俗盤飧漸

痛烟屏老方憐露錦繁如何玉川子苦惜籜龍寬

別穀熟尉李同年

騎驢登縣門屑屑復何言留館竺乾舍屢搗梅福尊凶

荒岐路梗冰雪歲時昏明日別君去依然遂跡奔

樊博士化州監鹽

監鹽已非職況復極南之莫識州名化徒聞水涉灘樹

驚人面果俗駭鳥言夷去去唯強舒徵還歲可期

丙寅春雨

天地開春暉摩陰爭開之行行二月路寒威切人肌淫

欽定四庫全書

欽定四庫全書

十二

雨恣凌虐淹旬下無時頑雲掃復合直向平地垂蒸人

共愁嘆萬物皆瘡痍衆木有芳華摧沮不得施青芑斂

絳萼同向枝上萎宿麥悲已病泥中聊參差嘉穀失播

種雖晴諒胡為蠢彼田中氓豈惟念身饑州縣責常賦

嗷嗷訴之誰幸不為盜起多應盡流離吁嗟致此異其

咎安所尸愧愧窮巷士屏身伏茅茨讀書抗前古得失

心頗窺天理不難究可以人事知且欲上其說懼非已

所宜有職彼尚默未當偕汝卑勉汝無妄言言出禍汝

隨誰識此懷抱獨自空嗟嘻

贈適公上人

喜得師消耗從僧問不休苦吟成白髮多病寄滄洲道
氣閒尤勝書鋒晚更道相思二千里阻別十三秋六合
勞生耳休追萬事不雲蘿荒舊隱知友落新丘想嘆歐
生逝應聞李氏憂師業受國子博士李公深遇實與其
子之奇相好李博士去子得無悼念

欽定四庫全書

卷上

十三

走久有蒿少之志去將有
期因欲招師而僧往也

一百五日同周越陳永錫遊吉祥僧舍

痛飲方期數百杯尋芳何事又空回花愁酒困春無著

却訝野僧蕭寺來

題李士言秀才別野帕

蘭蕙蕭蕭輕綃綃怕畧許攜持又索還題破白雲深有意

要傳消息到巫山

南陌

南陌一雨後東風三月天殘花亂芳草輕絮散春烟景

色真愁絕歡悵重棄捐俛俛有餘恨醺醺詎能醒

雨中牡丹

萬金期勝賞三月破穠芳妬忌巫城雨摧殘洛苑香怨
啼甄后玉寒出貴妃湯掩斂無聊極誰來替斷腸

思邊

去年何時君別妾南園綠草飛蝴蝶今歲何時妾憶君
西山白雪暗秦雲玉關此去三千里欲寄音書那可聞

聞報自崖徙雷因成一章

欽定四庫全書

卷上

十三

從來崖敗斷還期聞從驚雷衆共疑却訝有虞刑政失
四兇何事不量移

秋浦會遇并序

大中祥符五年為海陵郡司理參軍居職以不能俯
仰自全不幸為奸人所伺誣搆以事因被罪南謫為
池州參軍敗斥中且聞所天之艱朝廷以罪犯不許
奔哀窮寃悲苦生人所希寄一室於浮屠宮闔戶竟
日外絕還往留歲餘遇赦聽以所繫聞將示之宥俱

待命者前泗洲錄事參軍清河張本亦受譴來是州
前赦一月至與之居泊比接既相弔語且歡且悲張
君簡篤有文信義人也自是遊處有日兩盡款懃若
忘窮否之為爾予自傷以艱憂中目不復視文字矧
為聲偶之辭乎速此竊有北歸望且感張相遇憂患
間因思非言無以道厥事聊用拾之為長詩一千二
百言匪以言詩也據憤悵之辭也池州古秋浦地命
為秋浦會遇詩云

欽定四庫全書

卷上

十四

齷齪幽遐地栖栖會遇人窮愁艱理勝羈旅易情親豈
意當漂謫茲諧卜並隣溫溫窺表粹晏晏奉嬉嚙直道
談端闢橫流語下埋綺文何斐疊現行亦璘玢敦分初
投漆交言乍飲醇操心忠義合開口肺肝陳共昧隨時
理俱成速患因禍來非造次語及自酸辛衆奮漂山舌
孤靡坐獄身詆誣惟膈臆鍛鍊正遑逡因任桐棺躍寬
寧斗劍伸君掌一作成很狄張君之寬由狄淳者我患
構姦秦泰應者本以嶺南小吏承攝州縣久而得真命

官年七十餘通判是州為人投多刻多疑舛羣

細之譚以予嘗無慢之會守郡者疾病諸從
事皆他適得久專郡事遂與其下構予之禍巧縱鉅刀
筆幽爭調鬼神精誠懷皎月悲憤貫高昊素誓端清簡

原作期無取玷論斬蜀當鼓篋卧藁先書紳側壁疑曾

辨鈞金法所循得情奚示喜伏念不忘旬粗評去三章

直何辭一馬貧決曹誠自任今之司理參軍司舉仰誰

論錄事參軍亦唐廣破藏奸柱網埋蕭暴輪存心固慨

慕有位敢希逆驥驥程初發虹蜺氣未振沮磨圭失色

萋菲錦爭新肯或奇虛刀翻成害實實木招孤秀伐珠

欽定四庫全書

卷上

十五

擬暗投噴跼踣同非聖敦弊衆忘洵棘心終妬蕙蓬首

不羞螻治媚皆輕豁跳梁並狡競不無蠹虎據的是惡

鷹瞵合力邪攻正連謀偽譬真蠅聲移枯樹渠列蟻漏

墊嶙峋抵玉為凡礫摧松作弊神推理習直墮排陷堵

潛填陳早濕終投誼慈憂遂放均顛辜除蓋膜照覆

隔蟾踰流落窮山崦巨猶積水垠望家惟霄泣向國祗

低顰艱毒天崩祀諫中開朝邑遭危歲在辰以丙辰歲

所庭幃偏此站伯仲遼嶽瓊蜺未鵲厄死懸如渾敦麗

昨盱搖尾獸宛轉曝腮鱗已歎栖遲郡尤居寂寞濱土

風傳細碎心事遶凶屯城郭周問援人烟簇野津賈櫓

通勁越商風狀逆切微颺閭閻婦收菰米村娃賃竹薪

迴頭波渺渺動足石磷磷再見來巢也頻聞入市

寅虎每入市滿林垂嘯於當面走驚鷹水寺傳將久

禽漸欲馴無心從碌碌任志守詩詩早作慵洮盥宵眠

獨歎呻几牀閒筆硯一作牕牖亂書筠藉葛那支暑貧

炊莫續晨未嘗遊井閑况復出城閨悵悵危腸潰昏昏

欽定四庫全書

病目咽梅蒸衣醜黧瘡觸面薰鍬未免雖猜鶴徒希鵲

庇鵲素縞求庚悅碧鶴事章說詎識開三雅奚論指一

困歡無官局事病免府趨塵避路深藏拙忘機獨任純

爲輕鐵鸞驚驚笑瘦麒麟一作駢駢取摘連城寶驚疑照席

珍泥蟠蛻肆若塗曳蜩蜩頻機弛千鈞養音剛推百鍊

鎖愠憂宜悄悄讒吹更猜猜漸豆多聞耳全膠欲語唇

已甘鍾律啞難闢釜雷中近歎非辜者還稱被謹臻

堪持言自解姑以命相詢頓覺窮通外殊驚得喪泯平

豈煩懷魯汶并說忘岐曲茲共追隨日時逢物景春雜

花明浦嶼細草染郊吟音繡羽來穿柳粧髮去衆頻畫

船江泛泛銅鼓野蕭蕭切荷葉卷生渚蕪菁秀出塢

都音葦喧茶正發秧暖稻初勻遠去尋芳徑閒留坐翠瀕

小蠻聊倒檻獨爾暫垂綰烟秋閑啼魄沙塢過祭獮道

官披古碣僧閑凭雕栢滯迹慙魚鳥梁蕭方等云各費

方其夢也何樂如之及其覺也何歸懷謝茗華後魏王

餽斯類良由吾不及魚鳥遠矣或問若何如誰憐秦逐客自取

欽定四庫全書

晉繅臣學憶居州里文曾力組創曾倉社稷稗任苑蘿

荆榛壯節輕宗慙奇才轢下彬賦毫搗藤繪詩墨洒玳

琳始覺詞塲勝爭馳義轡戰癩如景陷盟手敢任拔

傳云涉佗拔衛侯之手勇俊邀圭爵功期取鼎茵鄉書

先鷄禍省薦半龍荀藝竊登廷試名叨擢帝宸闕嚴趨

紫貝陸峻拜蒼銀變化初飛碧挺和却在釣三年紆選

調一命就陶甄兒驟司罔固早纔服瑛珉上察非遂霸

同列異超珣介立旁無授陰排密有黃隄防雖少懸城

珂亦多逋繹已能傷雁罟仍未放麟踰年留異域肆會
奉嚴種仰問蒼蒼理難窮蕩蕩仁良國君未騁薄命我
方湮蓬藿何當返蘭茝自可紉有蘇調旨膳春稅給租
緡寄傲丘名麥遺榮野號辛退藏師李謚貴顯讓顏竣
躡躡三高士追狂六逸民耕臯營酒秫樵谷訪琴檣吞
土封花燦誅茅出果榛前音錄此音說園中持鉞錦林下設置
民至理鵬齊鷗浮生蘭等格未甘捐糞土所幸曳絲綸
南面同堯禹岩廊即甫申固應客一叟鼓腹得還淳

欽定四庫全書

穆參軍集
卷上

十八

穆參軍集卷上

欽定四庫全書

穆參軍集卷中

書序

答喬適書

宋 穆修 撰

月日河南穆修白秀才足下近辱書并示文十篇終始
讀其命意甚高自度淮西來嘗見人言足下少年樂古
文固可聞而心存之但未敢輒輕信人說今遂果知足

欽定四庫全書

穆參軍集
卷中

下能然蓋古道息絕不行於時已久今世士子習尚淺
近非章句聲偶之辭不置耳目浮軌濫轍相迹而奔靡
有異迹焉其間獨敢以古文語者則與語怪者同也衆
又排詬之罪毀之不目以為迂則指以為感謂之背時
遠名聞於富貴先進則莫有譽之者同儕則莫有附之
者其人苟無自知之明守之不以固持之不以堅則莫
不懼而疑悔而思忍焉且復去此而即彼矣噫仁義中
正之士豈獨多出於古而鮮出於今哉亦由衆勢驅遷

溺染之使不得從乎道也觀足下十篇之文則信有志於古文矣其書之問則曰將學於今則慮成淺陋將學於古則懼不取名於世學宜何旨引韓先生師說之說以求解感為請足下當少秀之年懷進取之機反學古於仁義不勝之時與之者寡非之者衆不得無感於中焉是以枉書見問某不才而棄於時者也何足為人質其是非可否徒以退拙無所用心因得從事於不急之學知舊者不識其愚且慙或謂之為好古焉故足下以

卿乎窮於下也何今君子乎其在上則無所成乎君而加乎人其在下則無所悅乎親而修乎身窮也達也皆離乎善稱焉故曰行道者有以兼乎名務名者無以兼乎道有其道而無其名則窮不失為君子有其名而無其道則達不失為小人與其為名達之小人孰若為道窮之君子矧窮達又各繫其時遇豈古之道有負於人耶足下有志乎道而未忘乎名樂聞於古而喜求於今二者之心苟交存而無擇將懼純明之性寢微浮躁之氣驟勝矣足下心明乎仁義又學識其歸嚮在固守而弗離堅持而弗奪力行而弗止則必立夫名之大者矣學之正偽有分則文之指用自得何感焉不宣某白

上大名陳觀察書

觀察閣下修嘗病近世以來文武異道將相異材為弊於時久矣古之所謂文武之道蓋一道也但治亂之用殊所謂將相之材皆通材也由出處之寄異未有不達